

Help from Above

Bukwasho Bufuma Mwiulu

Byakwipuzha bukwasho kwi Lesa

Byalembwa kwi ba Pastor Ron Wint

Juba jimo, bashetu bamo bataine mwanabo wamuचेche saengila mubujimi. Uno mwana waingijile kimye kyabaya nakweseka kwalumuna jibwe jikatampe. Uno mwanyike wakokel bingi kasake ne kwikileka kwalumuna jibwe. Ponkapo ba shanji bamwipwizhe ‘mba “Mwanami ubena kuba ka?”

Kepo mwana waasukile ‘mba “Mbona kushinjika jino jibwe mino pa mwiye mubyale nkunwa pauno mushiji, pano jibwe jabaisha jabaisha. Nakankalwa kwijalumuna.” Bashanji ba mwipwizhe ‘mba “ Waeseka mashinda onse a kwalumwinamo jino jibwe nyi?” Kunvwa mwana amba “emwane” Kepo bashanji bamubujile ,nakifyele amba “Paji kintu kimo kyowabula kuba. Kechi wangipuzha amba amiwa nkukwashe ne.”

Bimye binga byotuba nobe uno mwana, ateba bena Kilishitu. Inge twatanwa mu lukatazho lwabaya, tweseka kwikwasha mungovu yetu atebene, kabiji tukooka nekwikala bapelelwa muchima. Kimo kimye makatazho etu amweka kubaya nobe mutumba mukatampe yetwabula kukonsha kushinjika. Kimo kimwe tukeba nekwikileka saka tukyangye ne kutendeka kweeka ne. Kimo kimye twikala milanguluko yapasha ino:

“Kafwako kyonakonsha kuba ne.”

“ kyalembelwe jimo ‘mba kechi nkakosha ne.”

“Amiwa mwane jishuko mfwajo.”

“Bwikalo bwami byobuji kabiji kafwako kyonakonsha kya konsha kwibwalula ne.”

“Kenayukapo bakinemanga ba kunkwasha ne”

“Amiwa yaya bonse bandubileko kala”

Buno bo bubela satana boakeba amba twitabe. Yoano 8:44 waamba 'mba satana ye wa bubela kabiji ye shanja bubela.

Kyakine kyo kino: **Ateba bena Kilishitu kechi twibula ngovu nangwa bukwasho ne.** Makatazho byoeya, kechi tuji bunke ne.

Yesu witulaya Mu Bahebulu 13:5 amba “*Kechi nkakushe nangwa kachechetune, ne kukulekelela nangwa kachechetu.*”

Kyakine bonse nena Kilishitu bayuka Kinemanga Mwine wakonsha kwibapa bukwasho. Aye Yesu wakebesha kwitubila bintu bya kila ne byotulanguluka.

Efisesa 3:20 : “Pano Kwi aye wakonsha kuba byakijishatu bingi byonse byo tulomba nangwa byo tulanguluka monka mwaila bulume bwingila mwi atweba.”

Yelemiya 32:27 waamba 'mba “Unvwai, amiwa yami Yehoba, Lesa wa bantu bonse; kujipo kintu kyo nkankalwa amiwanyani?”

Kabiji aye witwita amba twipuzhe bukwasho koaji kwakubula moyo “ Onkao mambo nanchi tufwenye kwipi kasa tuchinchika konka ku jitanda ja bupe, tutambule lusa, ne kumona bupe bwa kwitukwasha mu kimye kyakupelwa kwetu.” Bahebelu 4:16

Lesa wakeba amba tulombe bukwasho nakuchinchika kabiji ne namuchima watoka. Inge twalomba bukwasho kwi Aye nakukeba bya lwiso nangwa bya kutayaula, kechi uketupa byo ne. Yakobo 4:3, “Kabiji mulomba ne kutambula ne, mambo mulomba bya kutayaula mu byakusakasaka byenu.” Mumilombelo yetu tulombe bintu byotwakajilwa, kechi bya kusakasakane.

Kyapelako, byotulomba bukwasho kwi Lesa, tulombe monka mwaila kusaka kwa muchima wa Lesa. Mu 1 Yoano 5:14 twafunda 'mba, “Kabiji luno lo luketekelo lo tuji nalo mwi Aye amba, umvwe twalomba kintu, nangwa ki ka, mwayila muchima wanji aye witumvwa.

Twaiyai tufunde kulomba abya bintu bimotokesha Lesa pa muchima; abya bintu biji mu Buku wanji buwame ne bololoke.

Vulukai kishimi kyo twa kuntendekelapo kya mwana waesekele kwalumuna jibwe jikatampe bunke? Awa mwana wa esekelenga kukwasha bashanji. Aye Lasa ye Shetu wa mwiulu. Wakeba amba tumutemwe ne kumwingijila. Wakeba amba tumwipuzhe kwitupa bukwasho pakuba kyaswa muchima wanji. Wakeba amba twikale bakumuketekela mu byonse.